



DET KONGELEGE
UTANRIKSDEPARTEMENT

Norsk senter for utvekslingssamarbeid (Norec)
Fjellvegen 9
6800 Førde

Dykkar ref.:

Vår ref.:
23/16984 -

Dato:
20.12.2023

Utenriksdepartementets tildelingsbrev til Norsk senter for utvekslingssamarbeid (Norec) for 2024

Innhald

| | | |
|--------|--|----|
| 1. | Innleiing | 2 |
| 2. | Overordna mål og satsingsområde | 2 |
| 3. | Prioriteringar, mål, styringsparametrar og oppdrag for Norec i 2024 | 2 |
| 3.1. | Prioriteringar | 2 |
| 3.2. | Mål og styringsparametrar for Norec | 3 |
| 3.2.1. | Mål 1: Målgruppene er kjende med og tek i bruk Norec som kompetansesenter for utvekslingssamarbeid | 3 |
| 3.2.2. | Mål 2: Fleire sterke globale partnerskap for berekraftig utvikling | 4 |
| 3.2.3. | Mål 3: Fleire unge menneske har fått internasjonal arbeidserfaring og kompetanse innan berekraftig utvikling | 4 |
| 3.3. | Særskilde oppdrag i 2024 | 5 |
| 4. | Tildeling av midlar og fullmakter | 6 |
| 4.1. | Midlar som blir stilt til disposisjon i 2024 | 6 |
| 4.2. | Delegering av fullmakter i samsvar med løyvingreglementet | 7 |
| 5. | Regjeringas fellesføringar for 2024 | 8 |
| 6. | Styringsdialog og rapporteringar | 9 |
| 6.1. | Risikovurderingar | 9 |
| 6.2. | Rapportering | 9 |
| 6.2.1. | Rapportering til Statsregnskapet | 9 |
| 6.2.2. | Tertialrapportar | 9 |
| 6.2.3. | Årsrapport | 10 |
| 6.3. | Styrings- og budsjettkalender 2024 | 11 |

Postadresse:
Postboks 8114 Dep
0032 Oslo

post@mfa.no

Kontoradresse:
7. juni plassen 1
0251 Oslo

www.regjeringen.no/ud

Telefon:
23 95 00 00
Org. nr.:
972417920

Avdeling for kompetanse og ressurser

1. Innleiing

Vi viser til Innst. 7 S (2023-2024) og Prop. 1 S (2023-2024) for Utanriksdepartementet. Departementet viser òg til *Hovedinstruks for Norsk senter for utvekslingssamarbeid (Norec)*.

Tildelingsbrevet til Norec er utarbeidd på bakgrunn av Stortingets endelege budsjettvedtak av 18. desember 2023, og presenterer rammene for verksemda i 2024. I dette tildelingsbrevet blir økonomiske rammer kunngjorde med ei nærmare beskriving av Utanriksdepartementets prioriteringar for Norec i 2024. Dei måla, styringsparametrar, resultatkrav og oppdrag som kjem fram i dette tildelingsbrevet, er førande for Norec i 2024. Andre tildelingar og føringar gjennom året vil bli formidla i supplerande tildelingsbrev.

Departementet understrekar at tildelingsbrevet ikkje er uttømmande for kva oppgåver Norec skal utføre. Utover dei prioriteringane og krav som vi omtaler i tildelingsbrevet, legg departementet til grunn at den løpande verksemda blir vidareført innanfor dei føringane som følgjer av økonomi- og verksemdsstyringsinstruksen, og anna gjeldande regelverk. Norec har eit sjølvstendig ansvar for å informere departementet om vesentlege avvik på eige ansvarsområde og fremje forslag til moglege korrigerande tiltak.

2. Overordna mål og satsingsområde

Berekraftsmåla, klimamåla og menneskerettane dannar plattformen for den norske utviklingspolitikken og for bruken av bistandsmidlane. Regjeringas hovudmål i utviklingspolitikken er å bidra til samfunnsendring gjennom å få bukt med ulikskap og fremje berekraftig økonomisk utvikling og velferd i utviklingsland.

Norec er ein del av den samla innsatsen for å realisere dei overordna måla i norsk utviklingspolitikk. Norec bidreg til resultatoppnåing gjennom å gi unge menneske internasjonale arbeidserfaring og kompetanse innan berekraftig utvikling, gi støtte til globale partnerskap og å dele kunnskapen sin med andre gjennom rolla som kompetansesenter for utveksling. Oppgåver knytt til satsinga til regjeringa for å auke talet på nordmenn i internasjonale organisasjonar er òg ein del av Norecs samfunnsoppdrag. Norec skal bidra til at bistandsforvaltninga er effektiv og av høg kvalitet, at bistanden er samordna og resultatorientert, og at det er nulltoleranse for økonomiske misferd.

Forventningane departementet har til Norecs bidrag i 2024 til måloppnåinga i utviklingspolitikken, blir konkretisert i kapittel 3 i dette tildelingsbrevet.

3. Prioriteringar, mål, styringsparametrar og oppdrag for Norec i 2024

3.1. Prioriteringar

Norec er ein viktig aktør i det å bygge tillit mellom norske aktørar og aktørar ute i verda, i ei tid der den globale tilliten er pressa. Norec skal i 2024 halde fram med å utvikle verksemda og utforske nye tiltak for å oppnå ønskte resultat innanfor samfunnsoppdraget og i tråd med

prinsippa i tillitsreforma. Norec må ha dialog med departementet i forkant av iverksetjing dersom det er uvisse om enkelttiltak er innanfor rammene og det handlingsrommet Norec har fått.

I 2024 overtek Norec forvaltningsansvaret for tilskotsordninga for demokratifremjing gjennom politiske parti. Departementet forventar at Norec bruker sin kompetanse om globale partnerskap, kompetanseutvikling og kunnskapsdeling til å vidareutvikle og styrke ordninga.

I arbeidet med rekruttering til internasjonale organisasjonar, skal Norec i 2024 prioritere å rekruttere junioreksperter. I tillegg skal Norec jobbe for å bidra til at det blir fleire nordmenn i FN-systemet og andre viktige internasjonale organisasjonar.

Norec skal ha tydeleg dialog med utanriksstasjonane og Utanriksdepartementet om programverksemda i aktuelle land, kva type programverksemd som finn stad og forventingar til korleis samarbeidet kan styrkjast. Norec fortset arbeidet med digitalisering og effektivisering av tilskotsforvaltninga.

3.2. Mål og styringsparametrar for Norec

3.2.1. Mål 1: Målgruppene er kjende med og tek i bruk Norec som kompetansesenter for utvekslingssamarbeid

Norec skal vere ein aktiv formidlar av kunnskapen dei har om internasjonal utveksling og vere kjende i målgruppene for Norecs tenester. Kunnskapsbedrifter er ei prioritert målgruppe for Norec. Norec Network skal gi eit målretta tilbod for kontinuerleg kunnskapsdeling blant tidlegare deltakarar. Norec skal vidareutvikle gode system og praksis for å innhente, produsere og systematisere kunnskap om utvekslingsverksemd i globale partnerskap. Norec skal ha kompetanse om korleis dialog og internasjonalt samarbeid kan gjennomførast med ulike typar metodar og digitale verkemiddel. Dette er kompetanse som bidreg til styrkte moglegheiter for internasjonale partnerskap under endra føresetnader, og er derfor ein kompetanse det er særleg viktig å dele i arbeidet for å nå berekraftsmål 17.

| | |
|---|--|
| Styringsparameter 1: | Auka kunnskap om Norecs kompetanse i målgruppene |
| Rapportering | Årsrapport |
| Resultatkrav/ambisjonsnivå: Norec skal gjere ei kvalitativ vurdering av i kva grad dei har lykkast med å nå ut til målgruppene med kompetansen sin om utvekslingssamarbeid. Vurderinga skal innehalde opplysingar om kor mange medlemmar det er i Norec Network. | |

| | |
|--|---|
| Styringsparameter 2: | Gode system for kunnskapsproduksjon og formidling |
| Rapportering | Årsrapport |
| Resultatkrav/ambisjonsnivå: Norec skal gjere ei kvalitativ vurdering av eigne system for produksjon og formidling av kunnskap om utveksling som metode. | |

3.2.2. Mål 2: Fleire sterke globale partnerskap for berekraftig utvikling

Norec skal leggje til rette for at verksemder og politiske parti kan bruke utveksling og internasjonalt samarbeid for å styrkje arbeidet sitt for berekraftig utvikling lokalt. Det skal nyttast ulike metodar og ordningar som kan styrkje og utfylle kvarandre.

| | |
|---|---|
| Styringsparameter 1: | Fleire globale partnerskap får støtte frå Norec |
| Rapportering | Årsrapport |
| Resultatkrav/ambisjonsnivå: Norec skal gjere ei vurdering av korleis deira støtte gjennom kap. 144, post 70 og tilskotsordninga for demokratifremje gjennom politiske parti har bidrege til å nå mål 2. Vurderinga skal innehalde opplysningar om antal nye verksemder som samarbeider om berekraftsmåla, samanlikna med tidlegare år. | |

| | |
|--|---|
| Styringsparameter 2: | Styrkte partnerskap for berekraftig utvikling |
| Rapportering | Årsrapport |
| Resultatkrav/ambisjonsnivå: Norec skal gjere ei vurdering av korleis deira støtte har bidrege til å nå mål 2. Vurderinga skal innehalde desse opplysningane: <ul style="list-style-type: none">• Om verksemder rapporterer om auka kompetanse.• Om verksemder rapporterer om auka evne til å nå eiga målgruppe.• Korleis verksemder rapporterer om at utvekslinga bidreg til berekraftsmåla.• Kvalitativ vurdering av kva meirverdi aktivitetsbasert støtte har for læring og nytenking. | |

3.2.3. Mål 3: Fleire unge menneske har fått internasjonal arbeidserfaring og kompetanse innan berekraftig utvikling

Norecs støtte til utvekslingsprosjekt skal bidra til at fleire unge menneske i land i sør og i Noreg får verdifull internasjonal arbeidserfaring og kompetanse innan berekraftig utvikling.

Det er eit mål for regjeringa å få fleire nordmenn inn i viktige internasjonale organisasjonar Noreg samarbeider med, og at internasjonale organisasjonar er styrkte med faglege ressursar innan prioriterte område. Norecs oppgåver knytt til rekruttering av nordmenn til internasjonale organisasjonar skal bidra til desse måla.

I 2024 skal Norec prioritere juniorekspert-ordninga. Departementet har utarbeidd handlingsplanar for auka rekruttering av norske borgarar til prioriterte internasjonale organisasjonar, jf. Prop. 1 S (2023-2024). Norec skal i 2024 prioritere desse organisasjonane og sikre balanse mellom juniorekspert-stillingar ved hovudkvarter og stillingar i felt. I val av stillingar skal Norec ta omsyn til norske prioriteringar, men samtidig leggje vekt på moglegheitene for karriereutvikling for juniorekspertane i dei enkelte organisasjonane. Norec

skal vidareutvikle tilbodet sitt innan karriererettleiing og støtte til norske kandidatar til prioriterte stillingar.

| | |
|---|---|
| Styringsparameter 1: | Fleire unge menneske har fått internasjonal arbeidserfaring |
| Rapportering | Årsrapport |
| <p>Resultatkrav/ambisjonsnivå:</p> <p>Norec skal gjere ei vurdering av korleis deira støtte til globale partnerskap har bidrege til å nå mål 3. Vurderinga skal innehalde opplysningar om:</p> <ul style="list-style-type: none"> • Talet på nye deltakarar som har fått internasjonal arbeidserfaring. • Talet på arbeidstimar for deltakarar på utveksling. | |

| | |
|--|--|
| Styringsparameter 2: | Unge menneske har fått kompetanse om berekraftig utvikling |
| Rapportering | Årsrapport |
| <p>Resultatkrav/ambisjonsnivå:</p> <p>Norec skal gjere ei vurdering av korleis deira støtte til globale partnerskap har bidrege til å nå mål 3. Vurderinga skal innehalde opplysningar om:</p> <ul style="list-style-type: none"> • Om deltakarar rapporterer om ny fagkunnskap • Om deltakarar rapporterer om nye ferdigheiter • Om deltakarar rapporterer om haldningsendringar | |

| | |
|--|---|
| Styringsparameter 3: | Auka norsk nærvær i internasjonale organisasjonar |
| Rapportering | Tertialrapportar og årsrapport |
| <p>Resultatkrav/ambisjonsnivå:</p> <p>Norec skal i årsrapporten gjere ei vurdering av korleis deira arbeid med rekruttering til internasjonale organisasjonar bidreg til auka norsk nærvær i internasjonale organisasjonar.</p> <p>I tertialrapportane og i årsrapporten skal Norec rapportere om:</p> <ol style="list-style-type: none"> 1. Talet på kunngjorde stillingar og søknader om stipend. 2. Status for rekrutteringar av juniorekspertar. 3. Talet på juniorekspertar som blir tilsette på eit fjerde år med samfinansiering frå FN-organisasjonen, og som blir rekrutterte inn i ordinære FN-stillingar 4. Status for karriererettleiing og støtte til norske kandidatar | |

3.3. Særskilde oppdrag i 2024

| |
|---|
| <p>Oppdrag 1/2024 Nettverk for norske tilsette i internasjonale organisasjonar</p> <p>Bakgrunn for oppdraget: I 2023 har Norec etablert ein database av norske tilsette i FN og dei multilaterale utviklingsbankane. Som eit ledd i oppfølginga av FAFO- rapporten om vidareføring av norske JPO-ar i FN-systemet, skal Norec etablere eit tettare nettverk mellom norske tilsette i internasjonale organisasjonar, Utanriksdepartementet, FN-delegasjonane og Norec. Gjennom tettare band, vil det norske utanriksapparatet kunne få betre innsikt i</p> |
|---|

arbeidet som blir gjort i dei ulike organisasjonane, trendar og prioriteringar. Samstundes vil den enkelte tilsette kunne få tettare oppfølging og tilrettelegging for vidare karriereval. Dette nettverket skal såleis bidra til ei meir strukturert tilnærming til norsk nærvær i internasjonale organisasjonar.

Skildring av oppdraget: Norec skal etablere kontakt med alle norske tilsette i dei internasjonale organisasjonane ved starten av 2024 for å invitere dei til å delta i nettverket. Norec skal invitere til ei digital samling i nettverket i løpet av 2024, der ein hentar innspel til nettverket og set rammer for vegen vidare. Norec skal foreslå for departementet korleis nettverket kan nyttast i det vidare arbeidet.

Frist og rapportering:

Fyrste tertialrapport og årsrapport for 2024

Oppdrag 2/2024 Vurdering av moglegheit for stipendordning for journalistprosjekt

Bakgrunn for oppdraget: Utanriksjournalistikk er eit viktig tilskot til det offentlege ordskiftet om utanriks- og utviklingspolitikk. Samstundes ser ein at fleire norske medium kuttar kostnader, noko som fører til færre tilgjengelege midlar til utanriksjournalistikken, særleg når det gjeld det globale sør.

Beskriving av oppdraget: Norec skal vurdere om ei ordning med stipend, handtert av ein uavhengig tredjepart, til journalistiske prosjekt vil auke tilgangen på utanriksjournalistiske produkt i norsk offentlegheit, særleg om det globale sør. Norec vert mellom anna bede om å vurdere kva som skal til for at ei slik ordning blir interessant for journalistar. Klima- og miljødepartementet og Norad kan her bidra med erfaringar kring deira samarbeid med Pulitzer Center, medan UD har røynsle frå frå prosjektsamarbeid med ytringsfridomsorganisasjonar.

Frist og rapportering: Fyrste tertialrapport etter dialog med departementet.

4. Tildeling av midlar og fullmakter

4.1. Midlar som blir stilte til disposisjon i 2024

På bakgrunn av Stortingets budsjettvedtak av 18. desember blir følgjande midlar stilte til disposisjon for Norec i 2024:

| Kap. | Post | Formål | Utgjer (i 1000 kroner) |
|------|------|---|------------------------|
| 144 | | Norsk senter for utvekslingssamarbeid, Norec | |
| | 01 | Driftsutgifter | 59 434 |
| | 70 | Utvekslingsordningar, kan overførast | 133 477 |
| | 71 | Rekruttering til internasjonale organisasjonar, <i>kan overførast</i> | 50 000 |

| | | | |
|------------|----|---------------------------------------|----------------|
| 170 | | Sivilt samfunn | |
| | 70 | Sivilt samfunn, <i>kan overførast</i> | 8 000 |
| Sum | | | 250 911 |

Om tildelinga på kap. 144, post 01:

Løyvinga dekkjer Norecs lønns- og driftsutgifter. I tillegg omfattar posten driftsutgifter og pensjonsforpliktingar ved rekruttering til multilaterale organisasjonar.

Om tildelinga på kap. 144, post 70:

Løyvinga dekkjer støtte til partnerskap mellom verksemder i Noreg og utvalde land i Afrika, Asia og Latin-Amerika. Løyvinga støtter både nord-sør partnerskap og sør-sør partnerskap. Støtta omfattar òg ulike metodar for erfarings- og kompetanseutvikling, blant dei utveksling av personell, digitalt samarbeid, organisasjonsutvikling og nettverksbygging.

Norec skal leggje vekt på å støtte ein breitt samansett portefølje av utvekslingsprosjekt, både tematisk og med kva aktørar som deltek. I 2024 skal Norec prioritere søkjarar som tematisk arbeider med klima, klimatilpassing og mattryggleik.

Om tildelinga på kap. 144, post 71

Løyvinga dekkjer finansiering av norske juniorekspertar til FN-organisasjonane og utviklingsbankane og stipendordninga for praktikantar til FN og andre internasjonale organisasjonar. Posten kan òg dekkje stønadar til seniorekspertar til FN og Verdsbanken og FN-frivillige, men det er foreløpig ikkje aktuelt i 2024.

Om tildelinga på kap. 170, post 70

Tilskotsordninga er retta mot norske politiske parti/ungdomsparti for å fremje utvikling av velfungerande og demokratiske partiorganisasjonar og partisystem i ODA-godkjende utviklingsland. Norske politiske parti kan spele ei rolle gjennom dei internasjonale nettverka sine, engasjement og kompetanse innanfor demokratiutvikling og bygging av partiorganisasjonar.

4.2. Delegering av fullmakter i samsvar med løyvingsreglementet

Løyvingsreglementet inneheld ein del fullmakter til å gjere unntak frå eller utfylle føresegnene til reglementet. I rundskriv R-110 gir Finansdepartementet departementa fullmakter til å gjere unntak frå enkelte av hovudprinsippa i løyvingsreglementet. Det blir vist til rettleiaren i statleg budsjettarbeid der m.a. bruk av unntaksreglar i Bevilgningsreglementet (budsjettfullmakter) er omtalt.

Fullmakt til nettobudsjettering ved utskifting av utstyr (§ 3, 4. ledd, 2. setning)

Hovudregelen i løyvingsreglementet er at alle utgifter og inntekter blir brutto førte i budsjett og løyvingsrekneskap. Det er gitt eit unntak som tillèt nettoføring i samband med utskifting av utstyr. Med dette blir gitt Norec fullmakt til nettoføring ved utskifting av utstyr på følgjande vilkår:

- a) Inntekter frå sal av brukt utstyr kan nettoføres på post 01 Driftsutgifter, med inntil 5 prosent av løyvinga på den aktuelle posten.
- b) Salsinntektene må skrive seg frå utskiftingar som er ledd i ei rutinemessig fornying av utstyr. I praksis vil dette gjelde inntekter frå sal av utstyr som er av ein slik art at det ved innkjøpet skal dekkjast under post 01 Driftsutgifter.
- c) Salsinntektene skal bokførast som ei inntekt i kontoklasse 3 i standard kontoplan (jf. Finansdepartementets rundskriv R-102) og rapporterast til løyvingsrekneskapen på post 01 Driftsutgifter (jf. Finansdepartementets rundskriv R-101). Føringa må gjerast slik at det er mogleg å kontrollere at grensa på 5 prosent ikkje blir overskriden.

Fullmakt til å inngå leigeavtalar og avtalar om kjøp av tenester utover budsjettåret (§ 6, 2. ledd) Hovudregelen i løyvingsreglementet er at staten berre kan pådragast forpliktingar som først skal dekkjast etter utløpet av budsjettåret når Stortinget har gitt særleg samtykke til dette. Med dette blir likevel gitt Norec fullmakt til å inngå leigeavtalar og avtaler om kjøp av tenester utover budsjettåret på følgjande vilkår, med dei avgrensingane som følgjer under:

- a) Leigeavtalane og avtalane om kjøp av tenester må gjelde innkjøp til den ordinære drifta av statlege verksemdar. Kva typar innkjøp det her dreier seg om, kan variere etter oppgåvene for verksemda, men alminnelege døme vil vere leie av lokale og kontorutstyr, og dessutan kjøp av reinhalds- og vaktmeisterstenester.
- b) Utgiftene i samband med avtalane må kunne dekkjast innanfor eit uendra løyvingsnivå på vedkommande budsjettpost i heile avtaleperioden.
- c) For alle avtalar utover budsjettåret, må behovet for oppseiingsklausular nøye blir vurdert. Omsynet til den framtidige handlefridommen skal vege tungt ved vurderinga. Særleg gjeld dette ved langsiktige avtalar.

5. Regjeringas fellesføringar for 2024

Systematisk og heilskapleg arbeid for å redusere klimagassutslepp, naturforavtrykk og energibruk.

Det er eit mål med systematisk og heilskapleg arbeid for å redusere klimagassutslepp, naturforavtrykk og energibruk. Norec skal følgje opp dette målet. I arbeidet skal det takast omsyn til varetaking av kjerneoppgåvene for verksemda og kostnadseffektivitet. Norec skal òg vurdere korleis klimaendringane vil påverke verksemda. Norec skal gjere systematiske vurderingar av eigen energibruk og ta i bruk lønnsame energieffektive løysingar, og dessutan auke energifleksibiliteten der dette er relevant.

Positiv utvikling i talet på tilsetjingar av personar med funksjonsnedsetjing.

Regjeringa har høge ambisjonar når det gjeld mangfald. Statlege verksemdar skal ha ei positiv utvikling i talet på tilsetjingar av personar med funksjonsnedsetjing og/eller frávær frå arbeid, utdanning eller opplæring. Arbeidsgivarane skal i samarbeid med dei tillitsvalde sjølv definere eit formålstenleg ambisjonsnivå ut frå eigenarten og storleiken på verksemda. Norec skal i årsrapporten oppgi talet på tilsetjingar av personar med funksjonsnedsetjing og/eller frávær frå arbeid, utdanning eller opplæring i 2024 og omtale utviklinga set opp mot gjennomsnittet for verksemda for 2020 og 2021.

Redusere konsulentbruken

Det er eit mål at staten samla sett skal redusere konsulentbruken ved å utvikle eigenkompetanse.

Norec skal arbeide for å redusere konsulentbruken på område der det ligg til rette for å nytte interne ressursar og kompetanse. Tenester frå kommunikasjonsbransjen som hovudregel ikkje nyttast. Norec skal i årsrapporten for 2024 rapportere om konsulentbruken og oppfølginga av fellesføringa, under dette om totalbeløp for kjøp av konsulenttenester, kva tiltak som er sett i verk og konkrete resultat. Dersom det er fagområde og/eller kompetanseområde i verksemda der konsulentar blir nytta i særleg grad, skal bakgrunnen for dette blir omtalt nærmare. Norec skal som ein del av rapporteringa òg gi ein overordna omtale av eventuelle kjøp av konsulenttenester frå kommunikasjonsbransjen (alle typar kommunikasjonstenester) i 2024 og opplyse om totalbeløp for kjøp av slike tenester. Dersom utgifter til kjøp av konsulenttenester er vesentlege, bør verksemda i note til årsrekneskapen spesifisere dette nærmare. Dersom verksemda har større kjøp av konsulenttenester frå andre statlege leverandørar bør dette komme fram særskilt.

Digitaliserings- og forvaltningsdepartementet vil tidleg i 2024 sende ut eit rundskriv med utdjupande forklaring på korleis verksemdene skal forstå fellesføringane og korleis dei skal framstille resultatane i årsrapportane.

6. Styringsdialog og rapporteringar

6.1. Risikovurderingar

Norec skal i forkant av etatsstyringsmøta levere oppdaterte risikovurderingar og identifisere risikofaktorar som kan true måloppnåinga for 2024 og på lengre sikt, og dessutan andre vesentlege risikoar innanfor området for verksemda. Risikoreduserande tiltak innanfor fullmaktene for verksemda skal synleggjerast og setjast i verk, og det skal drøftast om Norec vurderer restrisikoen som akseptabel.

6.2. Rapportering

6.2.1. Rapportering til Statsregnskapet

Norec skal rapportere til den sentrale statsrekneskapen på den måten og innan dei fristane som er fastsette i rundskriv «Rapportering til Statsrekneskapen for 2023» frå Finansdepartementet (R-8/2023). Eventuelle feil og manglar som blir identifiserte i rekneskapen skal rapporterast til DFØ og korrigerast fortløpande.

6.2.2. Tertialrapportar

Norec skal utarbeide to tertialrapportar som skal innehalde økonomirapportering på postnivå med status per 30. april og 31. august 2024 og prognosar pr. 31. desember 2024. Norec skal kommentere eventuelle avvik og faseforskyvingar. Rapporten skal vidare gi ei oversikt over status for større oppdrag og føringar av året. Eventuelle avvik i framdrift, og igangsette eller

planlagde tiltak for å avgrense risiko eller redusere avvika, skal omtalast. Tabellen under blir brukt i rapporteringa. Alle tal skal oppgivast i 1 000 kroner.

| Kap. post | Saldert budsjett 2024 + ev. endring RNB 2024 | Overført frå 2023 | Disponibel løyving 2024 | Rekneskapsført pr. 31. august (statsrekneskapen) | Prognose forbruk 2024, inkl. refusjonar. |
|-----------|--|-------------------|-------------------------|--|--|
| 144.01 | | | | | |
| 144.70 | | | | | |
| 144.71 | | | | | |
| 170.70 | | | | | |

6.2.3. Årsrapport

Norecs årsrapport for 2024 utgjer ein del av grunnlaget for Utanriksdepartementets rapportering til Stortinget om oppnådde resultat for budsjettåret 2024. Årsrapporten skal sendast over til departementet innan 15. mars 2025 og skal følgje krava i Bestemmelser om økonomistyring i staten punkt 1.5.1. Det blir elles vist til DFØs rettleiar for årsrapportering på DFØs nettsider.

Omtalen av Del III Årets aktivitetar og resultat skal innehalde:

- Ei overordna vurdering av Norecs bidrag til måloppnåing på berekraftsmåla, jf. kap. 2.
- Vurdering av måloppnåing på dei måla som er sette for Norecs verksemd i kapittel 3. Norec må rapportere på dei konkrete styringsparametrane som er sette. Samtidig er det viktig at rapporteringa òg gir ei kvalitativ vurdering av måloppnåing utover det som styringsparametrane gir av informasjon.
- Utkvittering av andre oppdrag og rapporteringskrav gitt i kap. 3 og eventuelt i supplerande tildelingsbrev.
- Ei kort forklaring for dei interne prioriteringane som er gjorde innanfor hovudoppgåvene gitt i instruks og kva effekt desse prioriteringane eventuelt har hatt.
- Ei kort forklaring for større avvik mellom tildelt beløp og rekneskapsført beløp.

Omtalen av Del IV Styring og kontroll i verksemda skal m.a.:

- gjere greie for korleis aktivitets- og forklaringspliktene blir følgde opp i tråd med føresegnene i likestillings- og diskrimineringslova.
- gjere greie for korleis arbeidet med førebyggjande tryggleik blir følgt opp. Dette inkluderer kunnskapshevande og bevisstgjerande tiltak.
- gjere greie for eventuelle varslingsakar i løpet av året, og korleis dei er følgde opp.

Norec skal òg rapportere på fellesføringane til regjeringa i årsrapporten sin for 2024. Sjå egne rapporteringskrav for fellesføringane under kap. 5.

Styrings- og budsjettkalender 2024

| Dato | Rapport | Utfyllande til levering |
|-------------------------|--|---|
| Medio jan. – medio feb. | Avslutning årsrekneskap 2023. | Jf. årleg rundskriv R-8/2023 frå Finansdepartementet og eigen informasjon frå UD. |
| 28. februar | Innspel til revidert nasjonalbudsjett for 2024. | Norec skal varsle dersom det på årsbasis er det forventa overforbruk eller underforbruk på budsjettpostar der Norec har forvaltningsansvar. Kort beskriving av kva forslaget gjeld og grunngeving, og beløp per kap. og post som forslaget omhandlar. Forslaga skal baserast på kontantprinsippet i § 3 i Stortingets løyvingsreglement som seier at utgifter og inntekter skal takast med i budsjettet for det året dei blir antekne å bli kontant betalt. |
| 15. mars | Årsrapport 2023 og risikovurdering for 2024. | Jf. rapporteringskrav omtalt i pkt. 7.1 og 7.3 |
| Mars/april | Kontraktsamtale | |
| 21. april | Norecs innspel til arbeidet med statsbudsjettet for 2025 (rammefordelinga), både drift og tilskot. | |
| april/mai | Etatsstyringsmøte nr. 1 i Førde | Endeleg dagsorden blir fastsett særskilt, men følgjande vil liggje til grunn for innhaldet i møtet: - årsrapport for førre år - satsingar og større arbeidsprosessar for inneverande år, under dette vurderingar av risiko og sannsyn for avvik - strategiar, planar og forventningar framover |
| 15. mai | Første tertialrapport | Jf. rapporteringskrav omtalt i pkt. 7.3 |
| 15. mai | Innspel til rapportering i Prop. 1 S for 2025 for dei postar som Norec blir tildelt midlar over. | |
| 16. september | Andre tertialrapport | Jf. rapporteringskrav omtalt i pkt. 7.3 |
| 16. september | Eventuelle innspel til nysalderinga for statsbudsjettet 2024. | Norec skal varsle om meir- eller mindrebehov på postane sine. Innspel skal innehalde ei beskriving av kva |

| | | |
|------------------|--|--|
| | | forslaget gjeld og grunngeving, og beløp per kap. og post som forslaget omhandlar. Forslaga skal baserast på kontantprinsippet i § 3 i Stortingets løvingsreglement som seier at utgifter og inntekter skal takast med i budsjettet for det året dei blir antekne å bli kontant betalt. |
| Oktober/november | Etatsstyringsmøte nr. 2 i Oslo | Endeleg dagsorden blir fastsett særskilt, men følgjande vil liggje til grunn for innhaldet i møtet: - andre tertialrapport - satsingar og større arbeidsprosessar for inneverande år, under dette vurderingar av risiko og sannsyn for avvik - strategiar, planar og forventningar framover . |
| Medio november | Utkast tildelingsbrev 2025 | Blir oversendt frå UD |
| 15. november | Ev. innspel til store satsingar og innsparingar for 2026 på postane der Norec blir tildelt midlar. | |
| Ultimo desember | Tildelingsbrev 2025 | Blir oversendt frå UD |
| 15. mars 2025 | Årsrapport 2024 og risikovurdering for 2025. | Jf. rapporteringskrav omtalt i pkt. 7.1 og 7.3 |

Alle innspel frå Norec til Utanriksdepartementet blir sende til post@mfa.no, med kopi til Enhet-for-etats-og-virksomhetsstyring@mfa.no.

Med venleg helsing

Aslak Brun
konst. assisterande utanriksråd

Knut Espeland
underdirektør

Dokumentet er elektronisk godkjend og treng ikkje fysisk signatur.

Kopi: Riksrevisjonen